



Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 118. Volsæi caussa in Regis Senatu dijudicata.

[urn:nbn:de:hbz:466:1-66472](#)

Sæcul. XVI.
A.C. 1529.

§. CXVIII.

*Volsæi cauſſa in Regis Senatu
dijudicata.*

Milord Her-
bert vie &
hist. du regne
de Henri
VIII.
Burnet hist.
ref. tom. I.
p. 116.
Le Grand
hist. du di-
vorce tom. I.
p. 162.

Igitur die tertia Novembris Senatus primo Londini congregatur , postea vero eodem Mense Westmonasterium transfertur , ubi Volsæi hostes totis vi- ribus in id incumbebant , ut eum om- nino pessum darent . Præprimis supre- mi Senatus Curia adversus Cardinalem quadraginta quatuor accusationum ca- pita produxit . Ceterum valde notatu- dignum est , in nullo ex hisce articulis Volsæum accusari , quod edictum : *Præ- munire transgressus , aut Legati a latere officio absque speciali Regis consensu functus fuerit ; id autem ideo factum , quia Regis assensum accessisse , nem- nem latere poterat . Præcipue vero su- prema Curia Cardinali objecerat , qua- tenus ad exercenda Legationis suæ mu- nia admissus Sacramenti Religione sese obstrinxisset , quod nunquam Legati po- testate abuti vellet , nihilominus contra datam fidem auctoritate , quam ei Can- cellarii auctoritas tribuebat , tyrannico prorsus modo usus fuisset , sibique æqua- lem cum Rege potestatem in variis oc- casionibus arrogasset , eoque inscio per- fæpe jussa dedisset , ac denique in plu- ribus*

ribus casibus pro summo imperio Regni Sæcul. XVI.
 res administrasset, perinde acsi non Mi- A. C. 1529.
 nistri sed ipsiusmet Regis personam ge-
 reret. Ejusdem quoque conditionis ce-
 teri erant articuli, omnesque specta-
 bant immoderatam agendi rationem,
 qua Legati, Cancellarii necnon supre-
 mi Ministri officiis abutebatur, favorem-
 que, quo apud Regem plurimum vale-
 bat, perperam in rem suam vertisse ar-
 guebatur. Denique cum ad ferendam
 sententiam inferioris quoque Curiæ Suf-
 fragium requireretur, hinc eadem ac-
 cusationum capita ad hoc tribunal de-
 ferebantur, adjecta comminatione,
 quod Volsæus ibidem nulla mora tan-
 quam læsæ Majestatis reus damnandus
 esset. Verum Thomas Cromwellus hu-
 jus tribunalis membrum, cum Cardinali
 ab obsequiis esset, Domini sui caussam
 tanta dexteritate animique constantia
 defendit, ut illum hac saltem vice non
 modo a periculo vitæ eximeret, sed ip-
 sus etiam hac sua integritate Regis ani-
 mam captaret, atque ab illo temporis
 articulo magni haberi inciperet.

§. CXIX.

*Ludovicus Berquinus ad rogum dam-
 natus, atque in Foro Parisiensi
 combustus.*

Jam anno Domini millesimo quingen-
 tesi-

Rr 5